

韓子卷一

初見秦

孫月峯曰大約規模范雎但范雎此繁范虛此實范隱此顯

哈佛大學漢和圖書館珍藏印

此文跌宕類  
蘊秦然章法  
句法起結照  
應獨邁紀律  
趙定字曰此  
篇與國策所  
載大略相同  
是秦文之極  
佳者  
汪南溟曰此  
書為初見秦  
其策全在破  
從一着中間  
反覆歸咎謀

臣聞不知而言。不智。知而不言。不忠。為人臣不忠。當死。言而不當。亦當死。雖然。臣願悉言所聞。唯大王裁其罪。臣聞天下陰燕陽魏。連荆固齊。收韓而成。從將西面。以與強秦為難。臣竊笑之。世有三亡。而天下得之。其此之謂乎。臣聞之曰。以亂攻治者亡。以邪攻正者亡。以逆攻順者亡。今天下之府庫不盈。困倉空虛。悉其士民。張軍數十百萬。白刃在前。斧鑕在後。而却



臣不忠處波  
瀾起伏汪洋  
千頃戰國雄  
辯士也  
前言山東諸  
侯之弱此言  
秦之強士民  
樂死  
張賓王曰文  
氣如決文情  
如環

走不能死也。非其士民不能死也。上不能故也。言賞則不與。言罰則不行。賞罰不信。故士民不死也。今秦出號令而行賞罰。有功無功相事也。出其父母懷衽之中。生未嘗見寇。耳聞戰鬪。頓足徒跣。犯白刃。蹈鑪炭。斷死於前者。皆是也。夫斷死與斷生也。不同而民為之者。是貴奮死也。夫一人奮死。可以對十。十可以對百。百可以對千。千可以對萬。萬可以剋天下矣。今秦地折長補短。方數千里。名師數十百萬。秦之號令。賞罰。地形利害。天下莫若也。以此與天下。天下不足

此言秦所以  
不王之故

趙定宇曰先  
總論謀臣之  
失策後乃細  
言  
張賓王曰援  
齊引出秦事  
文勢舒徐

言當以齊為  
戒

兼而有也。是故秦戰未嘗不剋。攻未嘗不取。所當未嘗不破。開地數千里。此甚大功也。然而兵甲頓。士民病。蓄積索。田疇荒。困倉虛。四隣諸侯不服。霸王之名不成。此無異故。其謀臣皆不盡其忠也。臣敢言之。往者齊南破荆。東破宋。西服秦。北破燕。中伏韓魏。土地廣而兵強。戰剋攻取。詔令天下。齊之清濟濁河。足以為限。長城巨防。足以為塞。齊五戰之國也。一戰不剋。而無齊。由此觀之。夫戰者。萬乘之存亡也。且臣聞之。曰。削跡無遺根。無與禍鄰。禍乃不存。秦與荆人戰。大



此言秦破楚而不取失計

此言秦拔梁而不取失計

第一段結

破荆襲郢。取洞庭五湖江南。荆王君臣亡走。東服於陳。當此時也。隨荆以兵。則荆可舉。荆可舉。則民足貪也。地足利也。東以弱齊燕。中以凌三晉。然則是一舉而霸王之名可成也。四隣諸侯可朝也。而謀臣不為引軍而退。復與荆人為和。令荆人得收亡國。聚散民。立社稷。主置宗廟。令率天下西面。以與秦為難。此固以失霸王之道一矣。天下又比周而軍華下。大王以詔破之。兵至梁郭下。圍梁數旬。則梁可拔。拔梁則魏可舉。舉魏則荆趙之意絕。荆趙之意絕。則趙危。趙危

第二段結

孫月峯曰此段却簡

第三段結

而荆狐疑。東以弱齊燕。中以凌三晉。然則是一舉而霸王之名可成也。四隣諸侯可朝也。而謀臣不為引軍而退。復與魏氏為和。令魏氏反收亡國。聚散民。立社稷。主置宗廟。此固以失霸王之道二矣。前者穰侯之治秦也。用一國之兵。而欲以成兩國之功。是故兵終身暴露於外。士民疲病於內。霸王之名不成。此固以失霸王之道三矣。趙氏中央之國也。雜民所居也。其民輕而難用也。號令不治。賞罰不信。地形不便。下不能盡其民力。彼固亡國之形也。而不憂民萌。悉其



秦破趙不取

張賓王曰秦戰最雄無如長平之勝秦之最悔莫如不乘勝取趙以致後來王陵王翦之敗故於此痛切言之可令秦王髮豎此其最善揣摩處

秦方事趙故言趙事特多第四段結

此言秦破趙而不取又失計

張賓王曰覆說趙事愈有精神又於趙事中更作三段波瀾叠

士民軍於長平之下。以爭韓上黨。大王以詔破之。拔武安。當是時也。趙氏上下不相親也。貴賤不相信也。然則邯鄲不守。拔邯鄲。筦山東河間。引軍而去。西攻脩武。踰羊腸。降代上黨。代四十六縣。上黨七十縣。不用一領甲。不苦一士民。此皆秦有也。代上黨不戰而畢。反為秦矣。東陽河外不戰而畢。反為齊矣。中山呼沱以北不戰而畢。為燕矣。然則是趙舉。趙舉則韓亡。韓亡則荆魏不能獨立。荆魏不能獨立。則是一舉而壞韓。蠹魏。拔荆。東以弱齊。燕決白馬之口。以沃魏氏。

是一舉而三晉亡。從者敗也。大王垂拱以須之。天下徧隨而服矣。霸王之名可成也。而謀臣不為。引軍而退。復與趙氏為和。夫以大王之明。秦兵之強。棄霸王之業。地曾不可得。乃取欺於亡國。是謀臣之拙也。且夫趙當亡而不亡。秦當霸而不霸。天下固量秦之謀。臣一矣。乃復悉士卒以攻邯鄲。不能拔也。棄甲負弩。戰竦而却。天下固以量秦力二矣。軍乃引而復。并於季下。大王又并軍而至與戰。不能剋之也。又不能反。軍罷而去。天下固量秦力三矣。內者量吾謀臣。外者



張賓王曰文  
緊甚似只收  
未段而前四  
段俱收妙手

極吾兵力。由是觀之。臣以為天下之從。幾不難矣。內者吾甲兵頓。士民病。蓄積索。田疇荒。困倉虛。外者天下皆比。意甚固。願大王有以慮之也。且臣聞之曰。戰戰栗栗。日慎一日。苟慎其道。天下可有。何以知其然也。昔者紂為天子。將率天下甲兵百萬。左飲於淇溪。右飲於洹水。淇水竭而洹水不流。以與周武王為難。武王將素甲三千。戰一日而破桀之國。禽其身。據其地。而有其民。天下莫傷。知伯率三國之眾。以攻趙襄。王於晉陽。決水而灌之。三月城且拔矣。襄王鑽龜筮。

張賓王曰以  
起處作收處  
妙絕

孫月峰曰亦  
是遠交近攻  
江南滇曰末  
段一正一反  
總通篇之意  
作結  
張賓三曰即  
承上一反收  
得妙至未似  
方滾滾而來

占兆以視利害。何國可降。乃使其臣張孟談於。是乃潛行而出。反知伯之約。得兩國之眾。以攻知伯。禽其身。以復襄王之初。今秦地折長補短。方數千里。名師數十百萬。秦國之號令。賞罰。地形利害。天下莫如也。以此與天下。天下可兼而有也。臣昧死願望見大王。言所以破天下之從。舉趙亡韓。臣荆魏親齊燕。以成霸王之名。朝四隣諸侯之道。大王誠聽其說。一舉而天下之從不破。趙不舉。韓不亡。荆魏不臣。齊燕不親。霸王之名不成。四隣諸侯不朝。大王斬臣以徇國。以



一句已剪裁

吳

韓宗國也秦

王欲得非於

是急攻韓韓

王遣非使秦

秦王悅之李

斯忌而問之

張賓王曰非

之說多陳而

為韓之情亦

太顯至李斯

雄辭奇策刺

心驚耳而發

非隱情如親

此豈非既死

之後李斯之

徒振暴其短

耶然不置在  
韓文書中

為王謀不忠者也

存韓

孫月峯曰文氣甚勁有鋒

韓事秦三十餘年。出則為扞蔽。入則為蓆薦。秦特出  
銳師。取韓地而隨之。怨懸於天下。功歸於強秦。且夫  
韓入貢職。與郡縣無異也。今臣竊聞貴臣之計。舉兵  
將伐韓。夫趙氏聚士卒。養從徒。欲贅天下之兵。明秦  
不弱。則諸侯必滅宗廟。欲西面行其意。非一日之計  
也。今釋趙之患。而攘內臣之韓。則天下明趙氏之計  
矣。夫韓小國也。而以應天下四擊。主辱臣苦。上下相

與同憂久矣。脩守備。戒強敵。存蓄積。築城池。以固守  
今伐韓未可。一年而滅。拔一城而退。則權輕於天下。  
天下摧我兵矣。韓叛則魏應之。趙據齊以為原。如此  
則以韓魏資趙。假齊以固其從而以與爭強。趙之福  
而秦之禍也。夫進而擊趙不能取。退而攻韓弗能拔。  
則陷銳之卒。勤於野戰。負任之旅。罷於內攻。則合羣  
苦弱以敵。而共二萬乘。非所以亡趙之心也。均如貴  
臣之計。則秦必為天下兵質矣。陛下雖以金石相弊  
則兼天下之日未也。今賤臣之愚計。使人使荆。重幣

趙定字曰非

直指貴人之

夫計宜乎斯

之自為滯說



而終不能免也。范曄三見秦王而猶慮左右之竊聽先言外事以嘗秦王非智不及此矣。

用事之臣明趙之所以欺秦者與魏質以安其心從韓而伐趙趙雖與齊為一不足患也二國事畢則韓可以移書定也。是我一舉二國有亡形則荆魏又必自服矣。故曰兵者凶器也不可不審用也。以秦與趙敵衡加以齊今又背韓而未有以堅荆魏之心夫一戰而不勝則禍構矣計者所以定事也不可不察也。韓秦強弱在今年耳且趙與諸侯陰謀久矣夫一動而弱於諸侯危事也為計而使諸侯有意我之心至殆也見二疏非所以強於諸侯也臣竊願陛下之幸

熟圖之夫攻伐而使從者間焉不可悔也

趙定字曰此是當時紀載

之文故并叙

李斯語

斯與非同門

今乃互相傾

覆如此

孫月峰曰斯

二說與前非

所談文氣却

一律想俱為

非學者所述

張賓王曰叙

法蒼然

詔以韓客之所上書言韓之未可舉下臣斯臣斯甚以為不然秦之有韓若人之有腹心之病也虛處則恹然若居濕地著而不去以極走則發矣夫韓雖臣於秦未嘗不為秦病今若有卒報之事韓不可信也秦與趙為難荆蘇使齊未知何如以臣觀之則齊趙之交未必以荆蘇絕也若不絕是悉趙而應二萬乘也夫韓不服秦之義而服於強也今專於齊趙則韓必為腹心之病而發矣韓與荆有謀諸侯應之則秦



李斯之忌正  
在此

李斯之深計  
名為忠秦實

乃間非

必復見峭塞之患。非之來也。未必以其能存韓也。爲重於韓也。辯說屬辭。飾非詐謀。以釣利於秦。而以韓利闕陛下。夫秦韓之交親。則非重矣。此自便之計也。臣視非之言文。其淫說靡辯。才甚。臣恐陛下淫非之辯。而聽其盜心。因不詳察事情。今以臣愚議。秦發兵而未名所伐。則韓之用事者。以事秦爲計矣。臣斯請往見韓王。使來入見。大王見。因內其身。而勿遣。稍召其社稷之臣。以與韓人爲市。則韓可深割也。因令象武發東郡之卒。闚兵於境上。而未名所之。則齊人懼

而從蘇之計。是我兵未出。而勁韓以威擒。強齊以義從矣。聞於諸侯也。趙氏破膽。荆人狐疑。必有忠計。荆人不動。魏不足患也。則諸侯可蠶食而盡。趙氏可得與敵也。願陛下幸審愚臣之計。無忽。秦遂遣斯使韓也。

李斯往詔韓王。未得見。因上書曰。昔秦韓戮力。一意以不相侵。天下莫敢犯。如此者數世矣。前世五諸侯。嘗相與共伐韓。秦發兵以救之。韓居中國。地不能滿千里。而所以得與諸侯班位於天下。君臣相保者。以

先言秦之有  
施於韓



此言韓之報  
秦無恩見曲  
在韓

此叙秦韓報  
施之事及諸  
侯不直韓

世世相教事秦之力也。先時五諸侯共伐秦，韓反與諸侯先為鴈行以嚮秦軍於關下矣。諸侯兵困力極，無柰何。諸侯兵罷，杜倉相秦起兵發將以報天下之怨，而先攻荆。荆令尹患之曰：夫韓以秦為不義而與秦兄弟共苦天下，已又背秦先為鴈行以攻關，韓則居中國展轉不可知。天下共割韓上地十城以謝秦，解其兵。夫韓嘗一背秦而國迫地侵，兵弱至今，所以然者，聽姦臣之浮說，不權事實。故雖殺戮姦臣，不能使韓復強。今趙欲聚兵士卒以秦為事，使人來借道。

言欲伐秦，欲伐秦，其勢必先韓而後秦。且臣聞之，唇亡則齒寒。夫秦韓不得無同憂，其形可見。魏欲發兵以攻韓，秦使人將使者於韓。今秦王使臣斯來而不得見，恐左右襲曩姦臣之計，使韓復有亡地之患。臣斯不得見，請歸報秦韓之交，必絕矣。斯之來使，以奉秦王之歡心，願效便計。豈陛下所以逆賤臣者邪？臣斯願一得見前，進道愚計，退就菹戮，願陛下有意焉。今殺臣於韓，則大王不足以強。若不聽臣之計，則禍必構矣。秦發兵不留行，而韓之社稷憂矣。臣斯暴身



孫月峰曰色澤

於韓之市。則雖欲察賤臣愚忠之計。不可得已。邊鄙  
殘國固守。鼓鐸之聲聞於耳。而乃用臣斯之計。晚矣。  
且夫韓之兵。於天下可知也。今又背強秦。夫棄城而  
敗軍。則反掖之寇。必襲城矣。城盡則聚散。聚散則無  
軍矣。使城固守。則秦必興兵而圍王。一都道不通。則  
難必謀。其勢必不救。左右計之者不用。願陛下熟圖  
之。若臣斯之所言。有不應事實者。願大王幸使得畢  
辭於前。乃就吏誅。不晚也。秦王飲食不甘。遊觀不樂。  
意專在圖趙。使臣斯來言。願得身見。因急與陛下有

計也。今使臣不通。則韓之信未可知也。夫秦必釋趙  
之患。而移兵於韓。願陛下幸復察圖之。而使臣報決

難言

趙定宇曰文意遠密字字奇警

此亦為初見  
秦之辭憤悶  
孤抗故其文  
連類曠肆感  
憤特奇

整整十二柱  
內却有長短  
恭差句不同

臣非非難言也。所以難言者。言順比滑澤。洋洋纒纒  
然。則見以為華而不實。敦祗恭厚。鯁固慎完。則見以  
為拙而不倫。多言繁稱。連類比物。則見以為虛而無  
用。總微說約。徑省而不飾。則見以為劇而不辯。激急  
親近。探知人情。則見以為僭而不讓。闕大廣博。妙遠  
不測。則見以為夸而無用。纖計小談。以具數言。則見



趙定字曰一語束上開鍵極繁

每段變換各有章法不可羈制似漫無矩度者然齊而不齊不齊之齊古人矩度原如此

趙定字曰文法變化無跡可尋

趙定字曰以智愚並說轉及文王絕無痕迹孫月峯曰排叙二十三人長短句錯出音節鏗鏘連類而不厭

用古人實事貫串簇成一堆齊而不齊不齊之齊也

以爲陋言而近世辭不悖逆則見以爲貪生而諛上言而遠俗詭躁人間則見以爲誕捷敏辯給繁於文采則見以爲史殊釋文學以質性言則見以爲鄙時稱詩書道法往古則見以爲誦此臣非之所以難言而重患也故度量雖正未必聽也義理雖全未必用也大王若以此不信則小者以爲毀訾誹謗大者患禍災害死亡及其身故子胥善謀而吳戮之仲尼善說而匡圍之管夷吾實賢而魯囚之故此三大夫豈不賢哉而三君不明也上古有湯至聖也伊尹至智

也夫至智說至聖然且七十說而不受身執鼎俎爲庖宰昵近習親而湯乃僅知其賢而用之故曰以至智說至聖未必至而見受伊尹說湯是也以智說愚必不聽文王說紂是也故文王說紂而紂囚之翼侯炙鬼侯腊比干剖心梅伯醢夷吾束縛而曹羈奔陳伯里子道乞傳說轉鬻孫子臏脚於魏吳起收泣於岸門痛西河之爲秦卒枝解於楚公孫座言國器反爲悖公孫鞅奔秦關龍逢斬萇弘分脰尹子弇於棘司馬子期死而浮於江田明辜射宓子賤西門豹不



妙妙柳子厚  
與楊憑書微  
此若後人用  
事鬱則遺宿  
多則慮雜並  
無古人之博  
練也

張賓王曰一  
轉萬鈞之力

人主不得借  
權人臣不得  
擅威

鬪而死人手董安于死而陳於市宰予不免於田常  
范睢折脅於魏此十數人者皆世之仁賢忠良有道  
術之士也不幸而遇悖亂闇惑之主而死然則雖賢  
聖不能逃死亡避戮辱者何也則愚者難說也故君  
子難言也且至言忤於耳而倒於心非賢聖莫能聽  
願大王熟察之也

愛臣

孫方峯曰稍用韻

愛臣太親必危其身人臣太擅必易主命主妾無等  
必危嫡子兄弟不服必危社稷臣聞千乘之君無備

必有百乘之臣在其側以徙其民而傾其國萬乘之  
君無備必有千乘之家在其側以徙其威而傾其國  
是以姦臣蕃息王道衰亡是故諸侯之博大天子之  
害也羣臣之大富君主之敗也將相之後主而隆家  
此君人者所外也萬物莫如身之至貴也位之至尊  
也主威之重主勢之隆也此四美者不求諸外不請  
於人議之而得之矣故曰人主不能用其富則終於  
外也此君人者之所識也昔者紂之亡周之卑皆從  
諸侯之博大也晉之分也齊之奪也皆以羣臣之大



富也。夫燕宋之所以弑其君者，皆以類也。故上比之殷周，中比之燕宋，莫不從此術也。是故明君之蓄其臣也，盡之以法，質之以備，故不赦死，不宥刑，赦死宥刑，是謂威淫。社稷將危，國家偏威，是故大臣之祿雖大，不得藉威城市，黨與雖衆，不得臣士卒，故人臣處國，無私朝，居軍無私交，其府庫不得私貨於家，此明君之所以禁其邪，是故不得四從，不載奇兵，非傳非遽，載奇兵革，罪死不赦，此明君之所以備不虞者也。

王道

孫月峯曰：通篇俱虛語，微似連珠，亦稍用韻。

君惟虛靜  
無為而群臣  
各效其職不  
敢擅權而壅  
蔽其上此是  
一片文字篇  
內用韻俱古  
體  
通篇論御臣  
之術純是老  
氏作用

道者萬物之始，是非之紀也。是以明君守始以知萬物之源，治紀以知善敗之端，故虛靜以待令，令名自命也。令事自定也。虛則知實之情，靜則知動者正。有言者自為名，有事者自為形，形名參同，君乃無事焉。歸之其情，故曰君無見其所欲，君見其所欲，臣自將雕琢。君無見其意，君見其意，臣將自表異。故曰去好去惡，臣乃見素。去舊去智，臣乃自備。故有智而不以慮，使萬物知其處，有行而不以賢，觀臣下之所因，有勇而不以怒，使羣臣盡其武。是故去智而有明，去賢



而有功。去勇而有強。羣臣守職。百官有常。因能而使  
之。是謂習常。故曰寂乎其無位而處。濇乎其無得其所。  
明君無爲於上。羣臣竦懼於下。明君之道。使智者盡  
其慮。而君因以斷事。故君不窮於智。賢者効其材。君  
因而任之。故君不窮於能。有功則君有其賢。有過則  
臣任其罪。故君不窮於名。是故不賢而爲賢者。師不  
智而爲智者。正臣有其勞。君有其成功。此之謂賢主  
之經也。道在不可見。用在不可知。虛靜無事。以闇見  
疵。見而不見。聞而不聞。知而不知。知其言以往。勿變

勿更以參合閱焉。官有一人。勿令通言。則萬物皆盡  
函其跡。匿其端。下不能原。去其智。絕其能。下不能意  
保吾所以往。而稽同之。謹執其柄。而固握之。絕其望  
破其意。毋使人欲之。不謹其閉。不固其門。虎乃將存  
不慎其事。不掩其情。賊乃將生。擅其主。逼其所。人莫  
不與。故謂之虎。處其子之側。爲姦臣。聞其主之忒。故  
謂之賊。散其黨。收其餘。閉其門。奪其輔。國乃無虎。大  
不可量。深不可測。同合刑名。審驗法式。擅爲者誅。國  
乃無賊。是故人主有五壅。臣閉其主曰壅。臣制財利

非憤疾奸臣  
欲散其黨故  
名之曰虎曰  
賊



至此又說出  
賞罰來皆御

曰壅。臣擅行令曰壅。臣得行義曰壅。臣得樹人曰壅。臣閉其主則主失明。臣制財利則主失德。臣擅行令則主失制。臣得行義則主失名。臣得樹人則主失黨。此人主之所以獨擅也。非人臣之所以得操也。人主之道靜退以爲寶。不自操事而知拙與巧。不自計慮而知福與咎。是以不言而善應。不約而善增。言已應則執其契事。已增則操其符契之所合。賞罰之所生也。故羣臣陳其言。君以其言授其事。以事責其功。功當其事。事當其言。則賞功不當其事。事不當其言。

臣之事也

則誅。明君之道。臣不得陳言而不當。是故明君之行賞也。驟乎如時雨。百姓利其澤。其行罰也。畏乎如雷霆。神聖不能解也。故明君無偷賞。無赦罰。賞偷則功臣墮其業。赦罪則姦人易爲非。是故誠有功。則雖疏賤必賞。誠有過。則雖近愛必誅。近愛必誅。則疏賤者不怠。而近愛者不驕也。